

廿二史考異

三國志二

廿二史攷異十六

錢大昕學

蜀

劉二牧傳

并州殺刺史張益梁州殺刺史耿鄙 按後漢書靈帝紀中平五年休屠各胡攻殺并州刺史張懿此作張益蓋避晉宣帝諱改之紀又稱中平四年涼州刺史耿鄙討金城賊韓遂鄙兵大敗不言被殺與此傳異漢時無梁州此稱梁者音之譌也

及太倉令會巴西趙建棄官俱隨焉 華陽國志無會

攷異

三國志二

一

字以太倉令下屬當從之

先主傳

中山靖王勝之後也勝子貞元狩六年封涿縣陸城亭侯按漢書王子侯表陸城侯貞以元朔二年六月封志誤又西京無亭侯之名亭亦衍文也地理志中山國有陸城縣卽此陸城侯國蓋本中山之地貞以王子封侯因改涿郡其後酎金失侯地入於漢爲縣宣元之世中山絕而更封仍以縣還中山也

使爲青州刺史田楷以拒冀州牧袁紹爲字誤當是助字之譌

彼州殷富戶口百萬 華陽國志作鄴州登下邳人下  
邳屬徐州故云鄴州也彼字誤

青州刺史袁譚先主故茂才也 汝南杜豫州部先主  
領豫州牧故得舉譚茂才

先主亦推璋持鎮西大將軍 持當作行

分遣將軍吳蘭雷同等入武都 周羣傳作雷銅

大破黠軍斬淵邵及曹公所署益州刺史趙顗等 此  
時張邵未死邵字衍

左將軍領長史鎮軍將軍臣許靖 領字衍彼傳不書  
鎮軍將軍史之漏也

臣父羣未亡時言西南數有黃氣直立數丈 按此奏  
列名者有劉豹向舉張裔黃權殷純趙祚楊洪何宗  
杜瓊張爽尹默譙周等而忽稱臣父果何人之父邪  
華陽國志云周羣父未亡時似當從之又按周羣傳  
云子巨亦傳其術或臣爲巨之譌而上脫周字邪情  
不得善本校之

光祿勳黃權 按上文已有偏將軍黃權不應重見攷  
楊戲輔臣贊注先主爲漢中王用零陵賴恭爲太常  
南陽王柱爲光祿勳漢嘉王謀爲少府此傳三人連  
名必是王杜非黃權也黃權傳亦無除光祿勳事

後主傳

延熙十六年大將軍費禕爲魏降人郭循所殺費禕傳同

魏志循作修

十八年維却住鍾題

鄧艾傳作鍾提姜維傳亦作題

然經載十二而年名不易軍旅屢興而赦不妄下不亦卓乎注臣松之以爲赦不妄下誠爲可稱至於年名不易猶所未達建武建安之號皆久而不改未聞前史以爲美談經載十二蓋何足云 按昭烈之歿政由葛氏禮樂征伐自下出者十餘年以曹馬之輩當此其改元自立必矣自古大臣握重權者身歿之後

嗣君親政亦必改元更革其舊後主信任武侯不以存沒有聞張邈上書詆亮下獄誅歿其任賢勿疑有足稱者孔明卒于建興十二年前此不改元孔明事君之忠也繼此不改元後主知人之哲也君明臣忠此承祚所謂卓也不朕建興之號終于十五何不云十五而云十二乎裴氏所譏殊未達其旨趣

二主妃子傳

先主甘皇后 按先主甘皇后穆皇后後主敬哀皇后張皇后皆稱皇后而孫吳諸后則降稱夫人又蜀志稱昭烈曰先王安樂公曰後主後主之太子璿特爲

立傳且正其太子之號吳志則曰權曰亮曰休曰皓皆斥其名可見承祚原以天子之制予蜀未嘗儕屬於吳也

諸葛亮傳

琅邪陽都人也漢司隸校尉諸葛豐後也 按亮瑾誕兄弟分仕三國各爲立傳傳首皆著其郡縣亮誕兩傳又皆云諸葛豐之後蓋三書可合可分取其首尾完具不嫌重複也魏志鍾繇與子會各有傳傳首俱云潁川長社人則重沓無當矣

侍中侍郎郭攸之費禕董允等 按諸葛亮出師疏本



傳已載其全文而侍中郭攸之費禕侍郎董允等云  
云復載允傳將軍向寵云云又載向朗傳亦重出也  
注幾敗伯山 汲古閣本伯作北聲之謫也胡三省云  
幾敗伯山謂與烏桓戰于白狼山時也古書伯與白  
通

### 關羽傳

將軍傳士仁屯公安 按楊戲季漢輔臣贊并注及孫  
權呂蒙傳俱無傳字蓋其人士姓而仁其名也此傳  
仁與麋芳並舉而下文但稱芳仁亦可證傳爲衍字  
矣

張飛傳

羽年長數歲飛兄事之 按關張二人史不載其卒年  
志於蜀臣書年者自諸葛亮統法正馬超而外  
德如蔣琬董允費禕武略如關張黃忠趙雲皆不書  
年許靖譙周年逾七十於敘事偶及之初不關乎義  
例杜瓊年八十餘孟光年九十餘以上壽故書馬良  
兄弟歿於非命故亦書之皆隨便文非以爲褒貶也  
馬超傳

右扶風茂陵人也 按兩漢書例惟官名稱左右若稱  
人籍貫但云馮翊扶風而已此傳云右扶風茂陵人

法正傳右扶風郿人兩右字當省

因爲前都亭侯 前字疑衍先主傳亦稱都亭侯

趙雲傳

注沔陽長張翼 沔陽當作江陽

法正傳

子逸官至奉車都尉漢陽太守 漢陽卽天水也三國

屬魏更名天水法逸蓋遙領之若楊儀遙署恆農太守張翼領扶風太守之類耳

許靖傳

吳郡都尉許貢 孫策傳作吳郡太守

麋竺傳

曹公表竺領麋郡太守 麋郡領五縣蓋分泰山置竺  
既去官郡亦旋廢故晉志不及之

秦宓傳

秦宓字子勅 後漢書董扶傳作秦密

陳震傳

蜀既定爲蜀郡北部都尉因易郡名爲汶山太守 按

後漢書西南夷傳冉駹夷者武帝所開元鼎六年以

爲汶山郡

漢書作汶山

宣帝省并蜀郡爲北部都尉靈帝

時復分蜀郡北部爲汶山郡是汶山立郡其來已久

或漢末仍復并省至先主定蜀後復爲郡也

廖立傳

中郎郭演長 演長當是攸之字

李嚴傳

注行前監軍征南將軍臣劉巴 按劉子初卒于章武

二年而李平之廢乃杜建興九年蓋別是一人姓名

偶同耳

行護軍征南將軍當陽亭侯臣姜維 征南當作征西

劉琰傳

以琰爲固陵太守 固陵卽巴東也 華陽國志初平元

年劉璋分胸忍至魚復爲固陵郡建安六年魚復蹇允爭巴名乃改固陵爲巴東是劉璋時已名巴東矣據此傳知先主定蜀復爲固陵故華陽志又云章武元年胸忍徐慮魚復蹇機以失巴名上表自訟先主聽復爲巴東也

魏延傳

儀等令何平杜前何平卽王平也

楊儀傳

建安中爲荊州刺史傳羣主簿背羣而詣襄陽太守關羽此荊州刺史傳羣蓋曹公所授

攷異

三國志二

杜微傳

王元泰李伯仁王文儀楊季休丁君幹李永南兄弟文  
仲寶等 按伯仁君幹仲寶三人不見於本志常璩  
華陽志有丞相參軍文恭字仲寶梓潼人君幹疑卽  
出師表所稱丁立也

來敏傳

敏隨姊夫奔荊州姊夫黃琬是劉璋祖母之姪 此又  
一黃琬

李謨傳

與同縣尹默俱游荊州從司馬徽宋忠等學 按尹默

傳云遠游荊州從司馬德操朱仲子等受古學一稱  
其名一稱其字雖文可互見要爲體例未一且不免  
重出之病

譙周傳

泰始五年予嘗爲本郡中正清定事訖求休還家往與  
周別 按承祚撰蜀志不立敘傳惟於此傳一見爲  
郡中正事又泰始十年撰定諸葛亮集上表一篇附  
見亮傳自署平陽侯相晉書云補陽平令者誤

周長子熙熙子秀字元彥 按恒溫以晉穆帝永和三  
年丁未歲平蜀上表薦秀秀年及八十而承祚修史



大約杜太康之世卽云杜太康末秀亦纔弱冠又無  
名位何用書其名字當是裴氏注後來攙入正文耳  
郤正傳

假文見義號曰釋譏 承祚志以簡質勝狀如曹植責  
躬應詔之詩郤正之釋譏華覈之草文薛瑩之獻詩  
魏文帝策吳王九錫文吳主罪張溫之令許靖與曹  
公之書周勳誦曹休之詞駱統理張溫之表胡綜托  
吳質之文事無繫乎興亡語不關於勸戒準之史例  
似可從剛楊戲季漢輔臣贊旣全錄其文而志不立  
傳者復注其行事於下西州文獻藉以不墜厥功誠

偉矣然自我作古亦非前史之例也

馬忠傳

初建寧郡殺太守正昂縛太守張裔于吳 後主及張

裔傳俱作益州郡攷益州郡之改名建寧杜丞相亮南征以後此時不當云建寧也

張嶷傳

初越雋郡自丞相亮南征高定之後叟夷數反殺太守是後太守不敢之郡只住安定縣去郡八百餘里按兩漢晉宋諸志益州部無安定縣以華陽國志攷之蓋安上縣也安上縣屬越雋晉志亦不載

蘇祁邑君冬逢 漢志作蘇示

鄧芝傳

義陽新野人 按義陽不杜蜀境內漢末亦未有義陽

郡蓋史據魏晉之郡縣書之

來敏傳亦云義陽新野人

芝爲大將軍二十餘年 按芝止爲車騎將軍未嘗爲

大將軍大字衍

張翼傳

高祖父司空浩 浩當作皓

翼曰可止矣不宜復進進或毀此大功維大怒曰爲蛇  
豎足 按華陽國志爲蛇畫足亦是翼語此以爲維

語似失之

楊戲傳

自此之後卒者則不追諡故或有應見稱紀而不杜乎  
篇者也 追諡猶言追美也蔣公琰費文偉鄧伯苗  
宗德豔馬德信王子均張伯岐之屬皆卒于延熙四  
年以後故不著于贊

汪邵方爲庾降都督住南昌縣 按南昌縣不見于兩  
漢志華陽國志朱提郡有南昌縣故都督治有鄧安  
遠城此縣蓋先主所置矣朱書州郡志南秦縣本名  
南昌晉太康元年更名據常璩書朱提屬縣五有南

昌又有南秦璩蜀人所言當不誤宋志未可信也  
揚威才幹 按注費觀爲振威將軍二文當有一誤  
贊杜輔國周仲宣 按杜微字國輔周羣字仲直皆見  
本傳與此互異

注輔元弼爲巴郡太守 巴郡當作巴東華陽國志章  
武元年南郡輔匡爲巴東太守

注習文祥歷維鄆令南廣漢太守 按蜀有南廣郡延  
熙中置無南廣漢郡

三國志三

廿二史攷異十七

錢大昕學

吳

孫破虜討逆傳

三十六萬一旦俱殲

萬當作方

見後漢書皇甫嵩傳

中平三年遣司空張溫行車騎將軍西討章等

後漢

書靈帝紀杜二年

表拜懷義校尉

按漢時城門校尉司隸校尉任寄最

重而屯騎越騎步兵長水歟聲諸校尉亦典兵之官

號爲五校西京要有胡騎虎賁二校尉故云七校若

命將出征則大將軍營五部部皆有校尉不常置也  
邊塞則有護羌校尉護烏桓校尉西域有戊己校尉  
靈帝置西園八校尉有上軍中軍下軍典軍助軍左  
助軍右左校右校之名自後校尉漸多曹操爲驍騎  
校尉周秘爲督軍校尉蓋勲爲討虜校尉公孫瓚亦  
爲討虜校尉應劭爲表紹軍謀校尉皆見於後漢書  
其見於魏志者夏侯惇折衝校尉曹仁厲鋒校尉曹  
洪鷹揚校尉賈詡討虜校尉樂進討寇校尉于禁平  
虜校尉見於吳志者孫策爲懷義校尉又爲折衝校  
尉孫權爲奉義校尉劉基輔義校尉孫靜魯肅皆奮

武校尉孫瑜恭義校尉孫輔揚武校尉孫韶丞烈校尉張紘正議校尉陸遜定威校尉陸抗陸凱皆建武校尉賀齊平東校尉全琮奮威校尉周魴昭義校尉是儀忠義校尉見於蜀志者法正軍議校尉費禕昭信校尉來敏典學校尉周羣儒林校尉大率皆武職也蜀先主置司鹽校尉較鹽鐵之利亦名鹽府校尉則名雖爲校尉實非典軍之職王連呂乂岑述皆嘗爲之

已而要用丹陽陳紀 此別是一人非潁川陳紀也  
吳主傳



建安十年權使賀齊討上饒分爲建平縣 按晉志無  
上饒及建平縣宋書州郡志鄱陽郡有上饒縣吳立  
太康地志有王隱地道無疑初立縣名建平後改爲  
上饒也

十三年分歙爲始新新定犁陽休陽縣注吳錄曰晉改  
休陽爲海寧 按太平寰宇記吳避孫休名改休陽  
爲海陽晉平吳改爲海寧吳錄攷之未詳也犁陽賀  
齊傳作黎陽

十五年分長沙爲漢昌郡以魯肅爲太守屯陸口 按  
是時長沙爲劉備所據建安十九年權始得長沙三

郡漢昌仍併入長沙不別立郡矣宋書州郡志長沙  
郡有吳昌侯國後漢立曰漢昌吳更名攷兩漢志無  
漢昌縣蓋漢末所立也子弟聘之云周懷碑陰有長沙漢昌卷祇字宣節碑立於  
靈帝熹平時此縣必恒靈時置也胡三省云隋廢吳昌入羅縣唐武  
德八年又省羅縣入湘陰則知吳立漢昌郡杜唐岳  
州湘陰縣界也水經注江水左逕烏林南又東右岸  
得蒲磯口卽陸口也

十九年獲廬江太守朱光及參軍董和 此又一董和  
非蜀之董和

黃武二年魏以爲蕘春太守 按宋書州郡志吳立蕘

春郡尋陽縣屬焉據此志則斬春郡蓋魏所置而吳因之耳宋志晉太康元年省斬春郡以尋陽屬武昌改斬春之安豐爲高陵及邾縣皆屬武昌然則吳之斬春郡領斬春尋陽安豐邾四縣也

五年分三郡惡地十縣爲東安郡以全琮爲太守按水經注黃武四年孫權以富春爲東安郡分置諸縣沈約州郡志亦云黃武四年以富春爲東安郡與此相差一歲蓋分郡之議杜四年而全琮爲守杜五年也郡治富春縣其九縣無攷太平寰宇記建德桐廬二縣俱黃武四年分富春置當是東安屬縣也

黃龍三年會稽南始平言嘉禾生 按宋書州郡志臨

海郡有始豐縣吳立曰始平晉武帝太康元年更名

卽此志所云南始平也

宋書符瑞志作南  
平始吳縣側兩字臨海本屬

會稽東部

太元二年四月權薨 按蜀志稱先主後主而不名吳

主權亮休昭皆斥其名蜀先主稱祖而吳主稱蒙此

承祚書法之別也

三嗣主傳

太元元年冬權寢疾明年四月權薨太子卽尊號大赦

改元是歲於魏嘉平四年也閏月以恪爲帝太傅

按是年二月權改元神鳳及亮卽位改元建興此傳  
閏月之上當有建興元年四字以孫休傳書永安元  
年冬十月孫皓傳書元興元年八月例之可見

太平三年與太常全尚將軍劉丞謀誅琳 孫琳傳作  
劉承承丞古通用

永安元年威遠將軍授爲右將軍縣侯 孫琳傳授作  
據

鳳皇三年會稽妖言章安侯綰當爲天子 按孫奮被  
誅并及其五子亦當書于皓傳

天璽元年遣兼司徒董朝兼太常周處至陽羨縣封禪

國山 史能之毗陵志云碑有大司空朝而無處名  
按處傳處仕吳止東觀令無難督無兼太常之事豈  
史氏見處爲陽羨人輒附益耶當以碑爲正

士燮傳

交州刺史朱符爲夷賊所殺 按薛綜傳故刺史會稽  
朱符多以鄉人分作長吏侵虐百姓強賦於民百姓  
怨叛山賊竝出攻州突郡符走入海流離喪亡不云  
爲賊所殺兩傳蓋互見也

妃嬪傳

植宣成侯 宣成當作宣城

宗室傳

孫壹入魏黃初三年按壹以孫亮太平二年奔魏即魏甘露二年也距文帝黃初三年壬寅已三十六年矣此云黃初必誤也魏志高貴鄉公紀甘露四年十一月車騎將軍孫壹爲婢所殺蓋壹入魏三年而歿爾黃初二字當是衍文

張昭傳

凡杜庶幾之流無不造門王弼以庶幾爲慕聖何晏解論語亦云庶幾聖道王充論衡云孔子之門講習五經五經皆習庶幾之才也顧邵傳自州郡庶幾及

四方人士往來相見晉書王羲之傳母兄鞠育得漸  
庶幾蓋魏晉人好用庶幾字

顧邵傳

烏程吳粲起於微賤邵拔而友之 吳粲卽吾粲也吳  
吾音相似潁川周昭著書稱吾粲由于牧豎豫章揚  
其善以竝陸全之列謂此也

張秉雲陽太守 按雲陽縣卽漢吳郡之曲阿嘉禾三  
年更名其置郡當杜嘉禾以後也晉志敘吳所置郡  
不及雲陽蓋不久卽省矣

顧譚傳



陷沒五營將秦兒軍

兒當作晃

見吳主傳

步騭傳

明德愼罰哲人惟刑

哲當作折用呂刑折民惟刑語

張紘傳

注吾欲圖徐州宜近下也

按秣陵與廣陵隔江相對

而廣陵屬徐州部權意欲都秣陵以圖廣陵故云欲

圖徐州裴氏議之殆未審於地理矣

薛綜傳

南海黃蓋爲口南太守

此別是一人非黃公覆也

後得零陵賴恭先輩仁謹不曉時事

按賴恭仕蜀官

至太常而志不立傳以士燮傳及此傳參攷之益建  
安中劉表承制授恭交州刺史爲蒼梧太守吳巨所  
逐乃歸先主也

呂蒙傳

使普肅萬人屯益陽 普肅作魯

諱當傳

遷偏將軍領永昌太守 永昌郡屬益州蓋遙領之下

文又云領冠軍太守冠軍縣屬南陽權亦未能有其  
地

蔣欽傳

以經拘昭陽爲奉邑 按吳諸將食邑如孫皎賜沙羨  
雲杜南新市竟陵爲奉邑孫韶食曲阿丹徒二縣呂  
蒙食下雋劉陽漢昌州陵徐盛賜臨城縣爲奉邑朱  
治以婁山拳無錫毗陵爲奉邑呂範以彭澤柴桑歷  
陽爲奉邑又改溧陽懷安寧國之類皆縣名也經拘  
昭陽漢時無此縣名宋志邵陵郡有邵陽縣吳立曰  
昭陽卽欽所食邑矣經拘未詳

陳武傳

廬江松滋人 按班志廬江郡有松茲縣續漢志無之  
則東京已省此縣疑漢末復置也晉志松滋屬安豐

郡東晉於尋陽僑置松滋郡遙隸揚州安帝省爲松  
滋縣屬尋陽郡則江北之松滋移於江南矣東晉又  
於漢武陵郡孱陵縣之上明地僑立河東郡所領有  
松滋縣沈約云疑是有流民南荆州土故名今荊州府之松滋縣蓋沿  
其名非漢魏之松滋也

陳表傳

以表領新安都尉 按孫權於建安十三年立新都郡  
晉太康平吳始改新安此云新安蓋新都之誤因下  
文有會稽新安縣相涉而誤耳諸葛瑾傳并引吳書  
云新都都尉陳表

攷異

三國志二

八

杜會稽新安縣

此新安卽衢州信安縣沈約志東陽

郡信安縣漢獻帝初平三年分太末立曰新安晉武帝太康元年更名東陽本會稽西部都尉故云會稽新安縣若新都郡本丹陽之地不得係以會稽也

甘寧傳

拜西陵太守領陽新下雎兩縣

此西陵郡蓋分漢江

夏郡之地陽新縣亦吳置今興國州地也陸抗拜鎮軍將軍都督西陵步關爲西陵督此西陵卽漢之夷陵縣黃武元年改名與此非一地

潘璋傳

遷豫章西安長 按兩漢晉宋志豫章郡並無西安縣  
太平寰宇記西安縣故城杜分寧縣西二十里漢獻  
帝建安中置開皇元年廢寰宇記又云武寧縣古西  
安縣也後漢建安中分海昏縣立西安縣晉太康元  
年改爲豫寧

權卽分宜都至秭歸二縣爲固陵郡 至當作巫魏氏  
春秋云建安二十四年吳分巫秭歸爲固陵郡是也  
丁奉傳

三年奉貴而有功 三年下脫卒字

虞翻傳

注鄭元所注尙書以顧命康王執琖古曰

卽冒字與日月之月異

似同從誤作同旣不覺定復訓爲杯

按今本尙書

同琖連文同爲爵名琖爲天子執琖之琖各是一物

仲翔謂古曰似同鄭氏從誤作同又訓爲酒杯以此

譏鄭之失則古本只有琖字古文作曰而鄭作同也

今本尙書出於梅賾或亦習聞仲翔說兼取二文以

和合鄭虞之義乎

馬融本亦作同漢人又有加金旁作銅字者並見仲翔說

成王疾困憑几洸頽爲濯以爲澣衣成事洸字虛夏作

濯以從其非

按濯卽古洸字周禮春官守祧古文

祧爲濯詩桃桃公子韓詩作耀耀蓋古文兆旁與翟

旁多相通用仲翔譏鄭要字非也

又古大篆𠂔字讀當爲柳古柳𠂔同字而以爲昧按

說文𠂔象開門𠂔

古文𠂔

象開門𠂔爲春門萬物已出

𠂔爲秋門萬物已入𠂔𠂔二文相似漢人往往誤讀

堯典宅西曰昧谷伏生今文本作柳穀鄭康成依賈

逵所奏定爲昧谷昧𠂔

莫製切

聲相近故仲翔譏之謂

其誤𠂔爲𠂔也攷周禮縫人衣娶柳之材鄭注引書

度西曰柳穀爲證又尙書大傳秋祀柳穀鄭注柳聚

也齊人語則康成亦讀爲柳未嘗與𠂔混也

分北三苗北古別字

按說文北別也从二八北字



形相似故誤爲北

太尉山陰鄭公 謂鄭巨君

決曹掾上虞孟英三世歿義 按後漢書孟嘗會稽上

虞人其先三世爲郡吏伏節歿難史不著其名英蓋  
其一也

例殤侯主簿任光 按字書無劉字蓋鄧之譌鄧莫侯  
切此殤侯二字當作莫侯反本小字夾注誤入正文  
又誤合莫反二字爲殤也

故太尉上虞朱公 謂朱雋

昔越王翳讓位逃於巫山之穴 會稽志巫山杜山陰

縣北一十八里

鄆大里黃公潔已暴秦之世高祖卽阼不能一致惠帝  
恭讓出則濟難 按陳留志夏黃公姓崔名廣字少  
通齊人隱居夏里修道故號曰夏黃公仲翔以爲會  
稽鄆人仲翔去西京未遠當得其實

處士鄆盧敘弟犯公憲自殺乞代 按鄆非會稽屬縣  
當是鄆字之譌乾道四明圖經亦以爲鄆人惟盧作  
虞爲異二字形相涉正史固多舛譌圖經亦傳寫之  
本未能決其是非也

聳越騎校尉累遷廷尉湘東河間太守曷廷尉尙書濟

陰太守 按河間濟陰二郡不杜吳封內蓋入晉以後所授官也於史例不當書

朱據傳

孫亮時二子熊損各復領兵爲全公主所譖皆死 按

妃嬪傳太平中孫亮知朱主爲全主所害問朱主死

意全主懼曰我實不知皆據二子熊損所白亮殺熊

損孫綝傳云亮內嫌綝乃推魯育

朱據所尙公主名

見殺本

未責怒虎林督朱熊熊弟外部督朱損不匡正孫峻

乃令丁奉殺熊於虎林殺損於建業以二傳推之熊

損之死出於亮意非由全主所譖謂全主譖罪二人

則可謂之譖不可也

吳主五子傳

注元遜

諱葛

才而疏子熙

諱顧

精而很叔發

諱景

辨而浮孝

敬

諱范

淩而狹後四人皆敗

按謙景范慎二人未見

敗事

霸二子基壹

按孫靜之孫亦名壹於霸子爲族父似

不應同名

賀齊傳

時王朗奔東治

治當作治

侯官旣平而建安漢興南平復亂

漢興卽吳興縣後

屬建安郡沈約云吳興漢末立曰漢興吳更名此別  
一吳興非烏程之吳興也

全琮傳

黃武七年權到皖使琮與輔國將軍陸遜擊曹休破之  
於石亭是時丹陽吳會山民復爲寇賊攻沒屬縣權  
分三郡險地爲東安郡琮領太守至明賞罰招誘降  
附數年中得萬餘人權召琮還牛渚罷東安郡 按  
吳主傳黃武五年分三郡惡地十縣置東安郡以全  
琮爲太守平討山越七年三月罷東安郡蓋琮從陸  
遜擊曹休杜罷郡還牛渚之後此傳於破曹休下始

敘分置東安郡云云失其次矣

鍾離牧傳

少爰居永興 爰易也春秋傳晉於是作爰用說文爰作超超田易居也陸瑁傳同郡徐原爰居會稽

魏遣漢髮縣長郭純 髮當作葭漢葭縣名屬涪陵郡通鑑作漢葭蓋溫公所見本不誤

陸凱傳

赤烏中除儋耳太守 儋耳郡晉宋二志皆不載

陸敬宗傳

天策元年 三嗣主傳作天冊

是儀傳

郡相孔融嘲儀言氏字民無上可改爲是乃遂改焉

按氏是本一字猶奴與弋羸與盈姑與郅可以互用  
徐衆譏其忘本誣祖由於未通古文

南魯二宮初立儀以本職領魯王傳儀兼二宮相迫切  
乃上疏 按赤烏五年立子和爲太子霸爲魯王權  
寵愛霸與和無殊故有二宮之稱和廢徙後二年乃  
封南陽王則霸已賜死久矣南魯之文於義不通當  
云東宮與魯王初立下文乃稱二宮斯得之

諸葛恪傳

曰陽長胡伉得降民周道 按丹陽郡無曰陽縣恐有

譌字

至于子張子路子貢等七十之徒亞聖之德狀猶各有  
所短 今人稱孟子爲亞聖蓋本於趙岐題辭不知  
子張子路子貢諸賢當時皆有亞聖之目也

孫峻傳

將軍孫儀孫邵綝珣等 綝當作林

孫綝傳

遣從兄慮將兵逆據於江都 下文云峻從弟慮蓋峻  
之從弟於綝爲從兄實一人也三嗣主傳作孫憲慮



與慮字形相涉而誤當以慮爲正孫權之次子慮封建昌侯此峻從弟不應與同名也

繇遷大將軍假節封永寧侯 三嗣主傳作永康侯誤也同時張布封永康侯

王蕃傳

丞相陸凱上疏曰常侍王蕃黃中通理 凱疏已見本傳此重出

賀邵傳

會稽山陰人也 按邵爲後將軍賀齊之孫依史例當於篇首著其世系不應更書郡縣也或於齊傳末書

孫邵有傳

皓疑其託疾收付酒藏掠考千所邵卒無一語竟見殺  
害 晉書賀循傳元帝與循言及吳時事因問曰孫  
皓嘗燒錐截一賀頭是誰耶循未及言帝悟曰是賀  
邵也循流涕曰先父遭遇無道循創巨痛浚無以上  
荅此傳不載燒錐截頭事裴注亦不之及

韋曜傳

注曜本名昭史爲晉諱改之 按三國志於晉諸帝諱  
多不回避如后妃傳惟色是崇不本淑懿高堂隆傳  
故宐簡澤畱其淑懿吳主王夫人傳追尊大懿皇后

步夫人傳有淑懿之德以至太師軍師昭烈昭獻昭  
文昭德昭告之類不勝枚舉蜀後主傳景耀六年改  
元炎興亦未回避而諸臣傳但稱景耀六年不書炎  
興之號最爲得體此韋曜之名注家以爲避晉諱子  
攷書中段昭董昭胡昭公孫昭張昭周昭輩皆未追  
改何獨於曜避之疑宏嗣本有二名也

華嚴傳

熙光紫闥青瑣是憑 按憑依字古作馮本讀如蓬後  
轉爲符風切此文以憑與庸隆中風崇重融穹爲韻  
馮翊之馮唐人亦入東韻

晉書一

廿二史攷異十八

錢大昕學

宣帝紀

南郡太守同郡楊俊 按魏志俊爲南陽太守非南郡也

太和四年訴河面上至于胸臆拔其新豐縣 此非京兆之新豐其地當在巴東郡而晉宋二志皆無此縣  
太平寰宇記開州開江縣本漢朐陽縣地蜀先王建  
安二十一年於今縣南二里置漢豐縣以漢土豐盛  
爲名當卽此新豐也魏雖拔之而不能守

謚曰文貞後改謚文宣 按禮志魏朝初謚宣帝爲文  
侯景帝爲武侯支王表不宜與二祖同於是改謚宣  
文忠武然則初謚文無貞字也禮志及文帝紀並稱  
舞陽宣文侯宋書禮志同此云文宣亦轉寫之誤

景帝紀

及宣帝薨 按宣景文三帝之卒紀皆書崩用陳承祥  
魏志之例也此薨字乃後人所改

謚曰武公 按仲達子元皆封舞陽侯而謚云武公者  
以官三公故也宣帝謚曰文貞貞亦當爲公之謚矣  
禮志稱文侯武侯則以爵稱之

武帝紀

泰始二年詔本爲縣侯者傳封次子爲亭侯爲鄉侯爲關內侯 亭侯之下不當有爲字

三年 本紀創當書而遺漏者如諸州分置皆書而泰始三年分益州爲梁州太安二年復分益州爲寧州竝失書諸王初封皆書而泰始中封隨王薊職官志作萬

惠帝時封新野王歆南平王祥淮陵王滢懷帝時封豫章王詮豫章王端元帝時封譙王承竝失書諸帝廟號皆書而孝武廟號烈宗失書三公薨皆書而義熙三年司徒揚州刺史王謐薨失書南渡以後荊州

都督刺史皆書而太元九年桓石民除荊州失書河西張氏子弟嗣立皆書而太寧元年張茂卒兄子駿嗣失書

七年分益州之南中四郡置寧州 按地理志分益州之建寧興古雲南交州之永昌合四郡爲寧州紀不及交州略也

九年二月立安平亭侯隆爲安平王 本傳作平陽亭侯

咸寧元年八月以故太傅鄭沖太尉荀顗司徒石苞司空裴秀驃騎將軍王沈安平獻王孚等及太保何曾

司空賈充太尉陳騫中書監荀勗平南將軍羊祜齊  
王攸等皆列于銘饗 按鄭沖傳咸寧初有司奏沖  
與安平王孚等十二人皆存銘太常配食于廟荀勗  
傳咸寧初詔論次功臣將配饗宗廟所司奏勗等十  
二人銘功太常配饗清廟石苞傳咸寧初詔苞等並  
爲王功列于銘饗裴秀傳咸寧初與石苞等並爲王  
公當作功配享廟庭荀勗傳咸寧初與石苞等並爲佐  
命功臣列于銘饗賈充傳與石苞等爲王功配饗廟  
庭又安平王孚齊王攸傳並有配饗太廟之文獨王  
沈何曾陳騫羊祜四傳略不及之昔漢宣帝圖畫功



臣于麒麟閣班史於蘇武傳末述其事列敘十一人  
官位姓名它傳及本紀不復更書明帝圖畫中興二  
十八將于南宮雲臺范史亦僅一見于馬武傳末蓋  
史例之簡嚴如此今鄭冲等銘饗事已見本紀而傳  
復重述之且又有書有不書文既錄複而絀漏之譏  
轉難免矣

三年正月立安平穆王隆弟敦爲安平王 按安平王  
孚傳隆立四年咸寧二年薨無子國絕又常山王衡  
傳無子以安平世子邕第四子敦爲嗣依二傳所言  
隆以無子國除而敦所嗣者乃常山王衡也今攷隆

以咸寧二年薨次年卽立其弟承安平之封蓋卽爲  
孚世子大宗不可絕故以敦後之隆雖無子國固未  
嘗絕也若衡之卒在泰始二年距咸寧二年已十載  
矣又不應至是始爲立嗣也禮志成寧二年安平穆  
王薨無嗣以母弟敦繼獻王後此可證二傳之誤

五年十月汲郡人不準掘魏襄王冢得竹簡小篆古書  
十餘萬言藏于祕府 按束皙傳作太康二年衛恒

傳作太康元年與紀互異趙明誠金石錄据太公廟  
碑及荀勗序穆天子傳俱云太康二年以正晉紀年  
月之誤其說固確狀亦未檢束皙兩傳也

杜預春秋  
後序亦作

太康  
元年

太康九年十二月立河閒平王洪子英爲章武王 按  
河閒王洪傳洪二子威混威嗣能封章武其後威繼  
義陽王望更立混爲洪嗣未知孰是又齊王罔子有  
名英者不應與章武同名此英字疑誤

惠帝紀

永平元年春正月乙酉朔 按年號當以後改者爲定  
是年正月詔改永熙二年爲永平元年其三月誅太  
傅楊駿等大赦改元以諸志傳參校之蓋改永平爲  
元康也永平紀元僅二月餘元康紀元乃有九年其

不應書永平書矣又史書改元之例凡年號已冠於  
年首者不更書如武帝紀咸寧元年春正月戊午朔  
大赦改元太康元年三月乙酉大赦改元不云改元  
咸寧改元太康也若一歲頻改元者則以後改之元  
冠於年首而不更書其餘則書以別之如惠帝紀永  
興元年春正月改元永安七月改元建武冬十一月  
留臺改元復爲永安十二月大赦改元不云改永興  
者已冠年首故也今此年於正月改元則書永平三  
月改元不書元康正興永興元年之例相合可證古  
本亦必以元康冠年首校書家不知而妄改爾

五月甲戌毗陵王軌薨 按武十三王傳毗陵悼王軌  
年二歲而夭太康十年追加封諡以楚王瑋子義嗣  
又武帝紀太康十年十一月立始平王子儀爲毗陵  
王楚王瑋初封始平王儀與義古字相通卽一人也  
軌之薨不當在惠帝時紀殆誤矣

八月己巳進西陽公業爵爲王 按地理志西陽縣屬  
弋陽郡別無西陽郡之名蓋志之漏也以業傳攷之  
元康初業由西陽縣公進封郡王惠帝還洛以汝南  
期思西陵益其國永嘉初復以邾新春益之期思西  
陵邾新春四縣元屬弋陽則西陽卽弋陽所分矣而

傳以期思西陵繫之汝南是此二縣又嘗收隸汝南  
亦志所不載也成帝咸和初蒙降爲弋陽縣王而西  
陽國除爲郡紀傳所載西陽太守有蔣吳樊鮑鄧錫  
曹據何元度桓沖桓嗣孟懷玉徐浩諸人

三年十月太原王祖夢 按太原王輔傳子宏立元康  
中爲散騎常侍後徙封中邱王三年薨以紀證之則  
太原未有徙封之事而名亦互異此必有一誤矣高  
密王泰傳封隴西王改封高密而惠帝紀元康九年  
仍書隴西王泰薨亦紀傳牴牾之證

五年十月武庫火 五行志在閏月庚寅

永康元年正月己卯日有食之 按上書正月癸亥朔  
則己卯爲月之十七日必無日蝕之理恐傳寫錯亂  
耳天文志亦與此同

永寧元年三月倫遣其將閭和出伊闕張泓孫輔出堽  
坂 按齊王冏傳倫遣其將閭和張泓孫輔出堽坂

趙王倫傳孫輔等率兵七千自延壽關出張泓閭和  
等率九千人自堽坂關出皆與紀異

地理志陽城縣有延壽關卽伊闕

坂也新城縣有延壽關卽伊闕

六月封路季小黃公衛毅平陰公 齊王冏傳路季作  
路秀平陰作陰平

八月徙南平王祥爲宜都王 按吳王晏傳子祥嗣准  
南王允其初封南平改封宜都傳俱不載

永興元年十二月詔齊王冏前應還第長沙王乂輕陷  
重刑封其子紹爲樂平縣王以奉其嗣 按齊王冏  
傳永興初赦其三子超冰英還第封超爲縣王以繼  
冏祀超與紹本一人轉寫之譌當以超爲正也

二年四月詔封樂平王紹爲齊王 按齊王冏傳光熙  
初追復王本封以子超嗣爵未詳孰是

八月驃騎將軍范陽王虓逐冀州刺史李義 按本傳  
虓爲劉喬所破自拔渡河王浚表虓領冀州刺史蓋



卽逐義而代之也。虓旣得冀州，引兵再渡河而喬遂敗此先後之可攷者。紀先書逐李義於八月，而於九月書劉喬破虓于許昌，似失其次。李義當作溫季，以劉琨溫季二傳證之可

光熙元年八月驃騎將軍范陽王虓爲司空。本傳作司徒。

懷帝紀

太熙元年封豫章郡王。按武帝紀太康十年立皇子熾爲豫章王，此誤。

光熙元年十一月立妃梁氏爲皇后。史不爲后立傳。

不知其本末按太平御覽引臧榮緒晉書云梁皇后  
諱葛壁安定人祖桓漢季饒同三司父芬司徒后初  
爲豫章王妃懷帝卽位爲皇后永嘉中沒于賊此條  
可補晉書之闕

十二月己亥封彭城王植子融爲樂城

當作  
成

縣王南陽

王模殺河間王顒于雍谷

按河間王顒傳永嘉初

詔書以顒爲司徒乃就戲南陽王模遣將梁臣於新  
安雍谷車上扼殺之并其三子詔以彭城元王植子  
融爲順嗣改封樂成縣王蕞無子建興中元帝又以  
彭城康王釋子欽爲融嗣又成帝紀咸和五年九月

甲辰徙樂成王欽爲河間王六年六月景申復故何

間王顯爵位封彭城王植子顯

顯字疑誤

爲樂成王此二

紀一傳之文皆舛錯不完今參而攷之樂成王融之封本以嗣顯而懷紀乃書于顯被殺之前顯方就徵且有三子必不預爲立後且雍谷之殺與樂成之封必非一日紀所書旣未足信傳云永嘉初詔書以顯爲司徒攷永嘉改元尙在光熙後一年顯已先歿矣此又傳之失也懷帝時旣爲顯立後當復其爵位矣何以咸和六年始云復顯爵位蓋河間郡也樂成縣也樂成之封本由罪降至咸和五年欽始復河間本

封因請追復顯爵此事理之應有者而其下又云封  
彭城主植子顯爲樂成王則恐有誤欽已嗣顯不當  
更有關樂成者且亦不當與顯同名殊可疑也

永嘉元年七月以平東將軍琅邪王睿爲安東將軍都  
督揚州江南諸軍事假節鎮建鄴按元帝親東海  
王越之收兵下邳也假帝輔國將軍尋加平東將軍  
監徐州諸軍事鎮下邳俄遷安東將軍都督揚州諸  
軍事越西迎大駕留帝居守永嘉初用王導計始鎮  
建鄴是琅邪鎮建鄴以前已轉安東將軍矣王導傳  
帝出鎮下邳請導爲安東司馬此其證也

八月分荊州江州八郡爲湘州 按地理志懷帝分長沙衡陽湘東零陵邵陵桂陽及廣州之始安始興廣西九郡置湘州是九郡非八郡也其長沙六郡舊俱屬荊州惠帝元康元年分桂陽屬江州紀稱分荊州江州不及廣州誤矣

四年十一月加涼州刺史張軌安西將軍 按軌傳永興中已加安西將軍及王彌寇洛陽軌遣北宮純等率州軍擊破之懷帝嘉其忠進西平郡公不受朕則永嘉四年所加者乃西平之封非安西將軍也

六年七月歲星孛或太白聚于牛三 天文志於歲星太白聚牛女之間

按元帝紀永嘉中歲鎮熒惑太白聚斗牛之間王  
與傳亦云臣以壬申歲永嘉六年歲杜壬申見用爲鄱陽內史  
七月四星聚於牽牛狀則此紀及天文志並脫鎮星  
二字矣予友褚刪部寅亮言七月斗建申日杜鵑尾  
之次去星紀極遠太白杜日前後最遠不過四十五  
度何緣違日而杜斗牛女之間若杜九月十月之交  
或有此事耳恐七月當爲十月之譌

愍帝紀

建興元年五月詔琅邪王曰前得魏浚表 時浚屯兵  
洛北石梁塢劉琨承制假浚河南尹故得上表長安

或疑爲王浚之謫者非是

十月荊州刺史陶侃討杜弢黨杜曾于石城 以杜弢

杜曾二傳攷之曾不與弢同黨

二年六月劉曜趙冉寇新豐諸縣 劉聰載記作趙染

元帝紀

建武元年幽州刺史左賢王渤海公段匹磾 匹磾傳

不言封渤海公

單于廣甯公段辰遼西公段脊 段辰者涉復辰也段

脊者疾陸脊也各稱一字者省文

太興元年十二月彭城內史周撫殺沛國內史周默以

叛 此周撫一名堅沛人非周訪之子撫也

永昌元年四月吳國內史張茂 此又一張茂與涼州刺史同姓名

七月王敦自加兖州刺史郗鑒爲安北將軍 按鑒非敦之黨且亦不可云自加也以敦傳攷之當是自領江州牧與郗鑒事初不相涉蓋傳寫有脫文

成帝紀

咸和四年八月劉曜將劉允等帥衆侵石生 此與江州刺史劉允同時而又同姓名

九年六月乙卯太尉長沙公陶侃薨 侃傳作七年誤



也

咸康四年八月分寧州置安州 攷地理志是時所分

者泮柯夜郎朱提越巂四郡也前此惠帝太安二年

華陽國志復置寧州不書于本紀則此寧州無根矣

作元年

志又載李壽分寧州興古永昌雲南朱提越巂河陽  
六郡爲漢州攷咸康四年正李壽即位之日雖立此  
州亦未能盡有其地也

七年十二月罷安州 地理志在八年

穆帝紀

永和四年九月景中慕容皝少子儁嗣爲位 按皝雖

稱燕王尙稱臣于晉雋嗣位之始未僭帝號於例不當書僞位也

五年二月征北大將軍褚哀使部將王龕北伐 褚哀傳作徐龕按太山太守徐龕先已爲石勒所殺當從紀

七月王龕李邁及石遵將李農戰于代陂 李農哀傳作李菟

七年八月冉閔豫州牧張遇以許昌來降 蓋是時洛陽亦入於晉故九月卽有修復山陵之使也洛陽晉之故都準以史法其得與失皆當大書於本紀乃晉

史於永和七年太元九年收復洛陽皆略而不書失  
輕重之宜矣攷永嘉五年辛未劉聰陷洛陽厥後淪  
於劉石者凡四十年至永和七年辛亥石氏亂而晉  
復有之桓溫因有移都之議越十有四年爲興寧三  
年乙丑而爲慕容恪所陷苻堅滅慕容氏洛陽又入  
於秦前後陷沒凡十有九年至太元九年甲申苻氏  
亂而晉再有之越十有五年爲隆安三年己亥復爲  
姚興所陷又十有七年爲義熙十二年丙辰劉裕北  
伐後秦將姚光以洛陽降而晉三有之及宋武受禪  
洛陽猶在晉域也東晉君臣雖偏安江左猶能卓然

自立不與劉石通使舊京雖失旋亦收復視南宋之  
稱臣稱姪恬不爲恥者相去霄壤矣詎可以清談輕  
之哉

簡文帝紀

咸安元年十一月以冠軍將軍毛武生都督荊州之沔

中揚州之義成諸軍事

按毛穆之傳

武生穆之小字徙督

揚州之義成荊州五郡雍州之京兆軍事襄陽義成

河南三郡太守紀不書雍州京兆者闕也荊州五郡

謂南陽襄陽新野義陽順陽也

按桓冲傳

孝武太元中僞

置雍州於襄陽刺史常兼督襄陽諸郡

攷異

晉書一

三

二年七月立會稽王昌明爲皇太子 按孝武紀帝諱  
曜字昌明此稱字不稱名蓋以字行也

孝武帝紀

太元四年十二月己酉朔日有蝕之 天文志作閏月  
十四年六月使持節都督荆益寧三州諸軍事荊州刺  
史桓石虔卒 以列傳攷之石虔但爲豫州刺史其  
爲荊州刺史者桓石民也

安帝紀

隆安三年十一月妖賊孫恩陷會稽吳國內史桓謙臨  
海太守新蔡王崇義興太守魏隱並委官而遁吳興

太守謝邈永嘉太守司馬逸皆遇害 按孫恩傳桓

謙作桓護魏隱作魏儁司馬逸作謝逸南史孝義傳作司馬逸之

元興元年二月桓元敗王師于姑孰譙王尚之齊王柔

之竝歿之 按桓元傳元至姑孰攻譙王尚之尚之

敗元入京師矯詔加已總百揆侍中都督中外諸軍

事丞相錄尚書事揚州牧據本紀在三月於是元入居太傅

府害毛泰泰弟達荀遜庾楷父子袁遵譙王尚之等

朕則尚之之歿在三月元入京師之後不當在二月

也

義熙五年慕容超將慕容興宗寇宿豫陽平太守劉千

載南陽太守趙元竝爲賊所執 按南陽與宿豫相  
去甚遠宋書武帝紀作濟南似爲近之字攷是時陽  
平與濟陰皆屬治宿豫則趙元當是濟陰太守不特  
非南陽恐亦非濟南也